

Na osnovu Odluke Nadzornog odbora KJKP „RAD“ d.o.o. Sarajevo (br. 02NO-1109/20 od 20.01.2020. godine), a polazeći od čl. 271. Zakona o privrednim društvima FBiH („Sl. novine FBiH“ br. 81/15), čl. 8. i čl. 26. Zakona o javnim preduzećima u FBiH („Sl. novine FBiH“ br. 8/05, 81/08, 22/09 i 109/12), u vezi sa čl. 30. i čl. 62. Statuta KJKP „RAD“ d.o.o. Sarajevo (br.14520/17 od 25.07.2017. godine, sa Odlukama o dopuni Statuta pod br. 01SP-17064/18 od 28.09.2018.godine i br. 01SP-18108/19 od 26.09.2019.godine), Nadzorni odbor KJKP „RAD“ d.o.o. Sarajevo raspisuje slijedeći:

## **K O N K U R S**

### **za izbor i predlaganje kandidata za predsjednika i dva člana Odbora za reviziju Kantonalnog javnog komunalnog preduzeća “RAD” d.o.o. Sarajevo**

#### **I Objavljuje se javni konkurs za izbor i predlaganje kandidata za predsjednika i dva člana Odbora za reviziju Kantonalnog javnog komunalnog preduzeća “RAD” d.o.o. Sarajevo.**

#### **II Opis pozicije**

##### **Odbor za reviziju je odgovoran i nadležan da:**

- imenuje vanjskog revizora;
- imenuje direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata;
- donese Poslovnik o radu Odbora za reviziju;
- usvaja Strateški plan Odjela za internu reviziju;
- usvaja Godišnju strategiju rizika po prijedlogu Odjela za internu reviziju, u kojoj su prikazane pojedinosti u pogledu rizičnih područja;
- usvaja Plan revizije, po prijedlogu Odjela za internu reviziju;
- osigura da Odjel za internu reviziju izvrši svoj posao u skladu s Planom revizije i da svoje obaveze obavlja u skladu s međunarodnim revizijskim standardima;
- usvaja izvještaje Odjela za internu reviziju o izvršenim revizijama;
- daje mišljenje Skupštini o prijedlogu Uprave o načinu raspodjele dobiti;
- daje nalog Odjelu za internu reviziju, na zahtjev organa upravljanja, o vršenju vanrednih revizija;
- izvrši reviziju polugodišnjeg i godišnjeg obračuna i istovremeno kontrolu usklađenosti poslovanja Preduzeća i funkcioniranja organa upravljanja Preduzeća sa zakonom, drugim relevantnim propisima i osnovnim principima korporativnog upravljanja, i o tome dostavi izvještaj Skupštini i Nadzornom odboru;
- osigura da interne kontrole, iz njegove nadležnosti, u Preduzeću budu adekvatne i da funkcionišu kako je predviđeno;
- daje preporuke Upravi o uočenim nepravilnostima;
- podnosi Nadzornom odboru sažete mjesečne izvještaje o svojim aktivnostima;
- sačini izvještaj o svom radu za proteklu godinu i putem Nadzornog odbora dostavi Skupštini Preduzeća;
- obavlja i druge poslove u skladu sa Zakonom.

#### **III Mandat**

Članovi Odbora za reviziju (predsjednik i dva člana) se imenuju na period od četiri godine, s mogućnošću ponovnog izbora.

Sa imenovanim članovima Odbora za reviziju, a na osnovu Odluke Skupštine Preduzeća, zaključuje se Ugovor kojim se regulišu ovlaštenja, odgovornosti i visina naknade.

Izbor i predlaganje članova Odbora za reviziju vrši Nadzorni odbor, a imenovanje Skupština Preduzeća.

#### IV Uslovi

Kandidati moraju ispunjavati opće i posebne uslove:

##### a) Opći uslovi

1. da je državljanin Bosne i Hercegovine (*dokaz: uvjerenje o državljanstvu, ne starije od šest mjeseci – original ili ovjerena kopija*),
2. da je osoba starija od 18 godina, a mlađa od 65 godina na dan imenovanja (*dokaz: Izvod iz matične knjige rođenih – original ili ovjerena kopija*),
3. da nije otpušten iz državne službe, kao rezultat disciplinske mjere na bilo kojem nivou vlasti u BiH, u periodu od tri godine prije dana objavljivanja ovog konkursa (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
4. da se na kandidata ne odnosi član IX tačka 1. Ustava BiH (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
5. da nije na funkciji u političkoj stranci (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
6. da nije osuđivan za krivično djelo i za prekršaj nespojiv s funkcijom člana Odbora za reviziju, pet godina od dana pravosnažnosti presude, isključujući vrijeme zatvorske kazne (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
7. da se protiv njega ne vodi krivični postupak (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
8. da kandidatu nije presudom suda zabranjeno obavljanje dužnosti iz nadležnosti Odbora za reviziju (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*),
9. da nije radnik Preduzeća, član drugih organa u Preduzeću, niti da ima finansijski i drugi interes u Preduzeću (izuzev naknade po osnovu funkcije člana Odbora za reviziju), a sve u smislu čl. 14. Zakona o javnim preduzećima u FBiH (*dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od šest mjeseci*).

##### b) Posebni uslovi

1. da ima univerzitetsku diplomu VII stepena stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja ekonomskog smjera, s tim da jedan član Odbora za reviziju može biti lice koje ima univerzitetsku diplomu, odnosno visoko obrazovanje pravnog smjera (*dokaz: univerzitetska diploma o sticanju VSS, VII stepen stručne spreme odnosno visoko obrazovanje prvog ciklusa studija koje se vrednuje sa 240 ECTS bodova, ili drugog ili trećeg ciklusa Bolonjskog sistema studiranja*),
2. da ime najmanje pet godina radnog staža na finansijsko-računovodstvenim poslovima, poslovima revizije, finansijske kontrole ili privrednog prava, nakon sticanja univerzitetske diplome, odnosno visokog obrazovanja (*dokaz: Potvrda ili Uvjerenje o radnom iskustvu mora sadržavati podatke na osnovu kojih se može utvrditi dužina radnog staža i poslovi traženi ovim uslovom*).

#### V Prilikom procjene kvalifikacije i iskustava kandidata, uzet će se u obzir sljedeće:

- a. sposobnost prepoznavanja, zastupanja i zaštite interesa preduzeća,
- b. sposobnost za odgovorno obavljanje dužnosti člana Odbora za reviziju,
- c. izražena inicijativnost i nezavisnost u radu i donošenju odluka,
- d. znanje i sposobnost razumijevanje finansijskih i poslovnih izvještaja,

- e. poznavanje propisa vezano za djelatnost i rad preduzeća,
- f. komunikacijske i organizacijske sposobnosti,
- g. rezultati rada ostvareni tokom dosadašnjeg radnog angažmana.

## **VI Potrebni dokumenti:**

- Potpisana Prijava na konkurs;
- CV sa adresom i kontakt telefonom;
- Dokumenti kojim se dokazuje ispunjavanje općih i posebnih uslova iz tačke 4. a) i b) – original ili ovjerena kopija po definisanim tačkama.

Komisija za izbor i predlaganje predsjednika i dva člana Odbora za reviziju, zadržava pravo provjere svih podataka iz izjava i drugih dokumenata kandidata.

Prijave kandidata s kojima se ne stupa u kontakt u roku od deset dana od dana isteka roka za podnošenje prijave, neće se uzimati u razmatranje u daljem postupku izbora.

Pozvani kandidati koji ne pristupe na zakazani intervju, smatrat će se da su odustali od konkursa.

Konkurs će biti objavljen u Dnevnom listu „Dnevni avaz“, u Službenim novinama FBiH, kao i na web stranici Preduzeća.

Konkurs ostaje otvoren 15 (petnaest) dana, računajući od dana njegovog objavljivanja u Službenim novinama FBiH.

Prijave sa traženim dokumentima dostaviti lično ili preporučeno na adresu:

KJKP „RAD“ d.o.o. Sarajevo  
ul. Paromlinska br. 57  
71000 SARAJEVO

sa naznakom:

„PRIJAVA ZA KONKURS ZA IZBOR I PREDLAGANJE KANDIDATA ZA  
PREDSJEDNIKA I DVA ČLANA ODBORA ZA REVIZIJU KJKP „RAD“ d.o.o. SARAJEVO –  
OTVARA KOMISIJA“

Na poledini koverta je obavezno naznačiti ime i prezime, te adresu podnosioca prijave.

Neurede, nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.